

**Vannastavna radionica OSCE-a na temu:
„Međunarodno kazneno pravo i tranzicijska pravda“
POZIV ZA DOSTAVU PRIJAVA ZA UČEŠĆE**

Misija OSCE-a u Bosni i Hercegovini organizuje vannastavnu Radionicu o međunarodnom kaznenom pravu i tranzicijskoj pravdi.

Radionica je osmišljena kao napredni program obuke zasnovan na vještinama, za studente starijih godina pravnih fakulteta, kao i fakulteta kriminalistike i kriminologije, na BiH univerzitetima. Cilj Radionice je osposobiti učesnike ključnim znanjima iz oblasti prava kako bi se mogli zaposliti na pozicije koje su vezane za tranzicijsku pravdu i međunarodno kazneno pravo, uključujući pravosudni sektor, te kako bi bili spremni baviti se konkretnim pitanjima koja proizilaze iz predmeta ratnih zločina ili su u vezi s njima. Kroz ovu Radionicu studenti će direktno dobiti priliku da kroz praktične primjere steknu znanja i vještine o tehničkim aspektima od istaknutih pravnikar i drugih stručnjaka na polju tranzicijske pravde u ovoj državi.

Pored toga, ova Radionica poslužiće i kao forum za diskusiju o tekućim pitanjima u ovoj oblasti, s ciljem promocije zakonitosti i prihvatanja međunarodnog kaznenog prava i njegove primjene u Bosni i Hercegovini, kao i za diskusiju o njegovoj ulozi u širem kontekstu tranzicijske pravde, kao dalekodosežnim mehanizmom rješavanja događaja iz prošlosti.

I na kraju, ova Radionica pružiće priliku studentima da saznaju pojedinosti o važnom radu Misije OSCE-a u BiH i njenoj centralnoj ulozi u izgradnji snažnog pravosudnog sistema u Bosni u Hercegovini, te osiguranju pravednog procesuiranja predmeta ratnih zločina, u skladu s međunarodnim standardima.

STRUKTURA

Radionica će se održavati u periodu od 18. – 26. septembra 2017. godine. Studentima će se prije početka Radionice dostaviti materijali koji opisuju složena činjenična stanja, te materijali s konkretnim temama, koje će morati pročitati i pripremiti unaprijed za diskusiju. Sesija će se sastojati od kratkog teorijskog dijela koji će voditi pravnik ili stručnjak iz oblasti prava. Nakon toga će uslijediti simulacijska vježba po manjim grupama studenata u kojoj će se tražiti od studenata da primijene znanje koje su stekli čitanjem ili tokom teorijskog dijela sesije. Na kraju, studenti će se još jednom okupiti zajedno s pravnikom kako bi vodili interaktivnu diskusiju o ishodima simulacijske vježbe. Tokom zadnje sesije, učesnici će pokazati znanje i vještine koje su stekli u vježbi simulacije rada suda.

Potvda o završenoj obuci, s istaknutim postignućima, biće dodijeljena studentima koji uspješno okončaju ovaj program.

KO SE MOŽE PRIJAVITI

Radionica će se održati na Jahorini i namijenjena je studentima minimalno treće godine dodiplomskih pravnih studija, kao i studentima magistarskog studija. Želimo potaknuti studente kriminologije i kriminalistike na svim univerzitetima u Bosni i Hercegovini da se prijave na ovu besplatnu obuku. Misija će pokriti troškove smještaja i organizovati prevoz za učesnike. Napominjemo da će radni jezici biti bosanski/srpski/hrvatski i engleski jezik, te je radno poznavanje svakog od ovih jezika neophodno za učešće u Radionici.

Molimo vas da obratite posebnu pažnju na to da je format radionice intenzivan i zasnovan, prvenstveno, na studentskoj interakciji i učešću, **te je prisustvo na svakoj sesiji obavezno radi uspješnog okončanja obuke**. Stoga svi studenti koji smatraju da neće moći prisustvovati jednoj ili više sesija ne trebaju se prijavljivati.

Također, Radionica zahtjeva znatnu pripremu i grupni rad pored predviđenih formalnih sesija. Studenti trebaju biti spremni da provedu cijeli osmodnevni program, uključujući večeri, radeći na dodjeljenom slučaju i pripremajući se za simulaciju suđenja.

KAKO SE PRIJAVITI

Prijave se podnose isključivo na engleskom jeziku.

Zainteresovani kandidati trebaju poslati motivaciono pismo i biografiju na email adresu: ICLTJWORKSHOP@osce.org, do 12:00 sati 28. jula 2017. godine. Uspješni kandidati će biti kontaktirani polovinom mjeseca augusta. Prijave pristigle nakon navedenog vremena i datuma neće biti razmotrene.

Motivaciono pismo treba sadržavati najviše 600 riječi i pružiti odgovore na sljedeća pitanja:

- 1) Zašto mislite da ste dobar kandidat za ovaj program?
- 2) Na koji način vaše proteklo iskustvo i vaši budući ciljevi imaju veze s ovim programom?
- 3) Na koji način mislite da će vam ovaj program pomoći u vašoj zacrtanoj karijeri?
- 4) Navedite najzanimljiviju stvar o vama koju ne bismo mogli saznati iz vaše biografije.

Na osnovu dostavljenih prijava, Misija OSCE-a će odabrati do 24 učesnika.

KONTAKTI

Dodatna pitanja u vezi s gore navedenim možete uputiti na ICLTJWORKSHOP@osce.org